

ulnas suas prædicavit populis Dominum eum esse vitam et mortis, et Salvatorem mundi. *Oratio.* Oremus. Da quæsumus populo tuo Domine inviolabiliter fidei firmitatem ut qui unigenitum tuum in tua tecum gloria sempiternum in veritate nostri corporis natum de matre virgine constituentur. et præsentibus liberentur adversis, et mansuris gaudiis inserantur. *Per. Indeque incipiente cantore Ant.* Cum inducerent puerum. *Ps.* Benedictus. Oremus. Perfice in nobis quæsumus Domine gratiam tuam, qui justus Symeonis expectationem implesti, ut sicut ille mortem non vidit priusquam Christum Dominum videre mereretur, ita et nos vitam oblineamus æternam. *Per eundem (208).*

(*Ex codice Rhenaug. sæc. XI, circ.*)

Ave gratia. *†.* Suscepimus etc. Dns vobiscum. Oremus :

Erudi (209) quæsumus Domine plebem tuam; et quæ extrinsecus annua tribuis devotione venerari, intrinsecus assequi gratiæ tuæ lucem concede. *Per Dam nostrum.*

Domine Deus creator cœli et terræ, rex regum et Dominus dominantium, exaudi indignos famulos tuos, clamantes et orantes ad te : precamur etc.

Deus Pater omnipotens, lumen indeficiens, conditor omnium luminum! exaudi nos, et benedic hoc lumen, quod a te sanctificari atque benedici rogantes offerimus, ut accendamus et illuminemur igne claritatis tuæ; et sicut igne illuminasti Moysen, ita quæsumus ut illumines corda, et sensus nostros, et mittere digneris sanctum angelum tuum Raphaellem : ut qui evulsit et repulit a Sara et Tobia dæmonem mortiferum infestantem, conterat illum, et disperdat de cunctis habitationibus colentium Dominum, de basilicis, de domibus, de angulis, de lectulis, de refectoriis, de universis locis in quibuscunque famulantes Domino habitant, et requiescunt, dormiunt, vigilant, ambulant, consistunt; nec amplius valeat inquietare, vel pavores immittere super illos, quos sancti crismatis tui unctio fecit esse munitos.

Benedico te cera in nomine sanctæ Trinitatis : ut sis exterminatio diaboli, et omnium contubernaliū ejus. *Per eum, qui vivit et regnat Deus per omnia secula seculorum. Amen.*

Adesta supplicationibus nostris omnipotens Deus!

A et has candelas tua benedictione perfunde; quatenus fidelis populus eas in manibus portans non solum exteriori lumine gaudeat, sed cecitate cordis repulsa, sic lumen, quod in tenebris lucet, apprehendat : ut nequaquam a via veritatis aberret. *p. D. n. I. Ch. F. t. q. tec. v. et r. in u. Sp. S. D. per om. sc. Amen.*

Dominus vobiscum etc. Sursum corda etc.

Gratias agamus Dno etc.

Vere dignum etc. æterne Deus.

B Fons. et origo totius lucis, qui mundum illuminasti lumine tuæ claritatis, mittendo nobis unigenitum tuum per uterum intemeratæ Virginis; et quem longe ante promisisti Prophetarum oraculis, temporibus novissimis ipsum misisti lucem, populis sedentibus in tenebris, in regione umbræ mortis in ipso claritas exorta est eis : Tu quoque benedictione tua digneris benedicere has candelas Nomini tuo præparatas; qui nos transtulisti a potestate tenebrarum in lucem, et regnum dilecti filii tui, per quem exortum est in tenebris lumen rectis corde et gaudium salutis æternæ. Et qui justum Simeonem fidei replesti expectatione, ut non prius videret mortem, antequam Christum Domini videret indutum carne : totius mundi lumen et salutare; ipse nos lumine tuæ claritatis sic repleas, ut omnes infidelitatis tenebras a nobis repellas; et sicut hodie servum tuum dimisisti in pace, ita nos in pace tuæ sanctæ Ecclesiæ digneris gubernare : ut portum quietis æternæ valeamus intrare, quatenus radiis ut (210) lucis perfusi ibi in die justis Examini læti cum ymnidicis Angelorum choris valeamus videre faciem indefessi solis. *Per eundem. D. n. J. Ch. F. t. q. t. v. et reg. in unit. Sp. S. D. per o. secla seclum. Amen.*

Deinde aspergantur, thurificentur, distribuuntur.

Ant. Lumen ad Revelation. etc. *†* Accipiens Simeon puerum in manibus : gratias agens benedicit Dominum.

Omnipotens sempiternus Deus! qui unigenitum tuum ante tempora de te genitum, sed temporaliter de Maria virgine incarnatum, lumen verum, et indeficiens ad depellendas humani generis tenebras, et ad incendendum lumen fidei et veritatis in mundum misisti; concede propitius, ut sicut exterius corporali, ita etiam interius luce spirituali mereamur irradiari. *Per eund. Christ.*

BENEDICTIO CINERUM

Dominus vobiscum. Oremus.

Deus, qui humilitate flecteris, et satisfactione placaris; aurem tuæ pietatis inclina precibus nostris,

(208) Pleraque hujus ritus festivi orationes et antiphonæ cum usu hodierno Romano conveniunt, de cujus antiquitate diximus P. III. Disquis. IX, c. 2, n. 12. Nusquam vero quidpiam in nostris monumentis liturgicis occurrit de benedictione novi ignis e silice excussi, unde creta accenderentur. Cujus

et capitibus servorum tuorum horum cinerum asper- sione ac tactis (211) effunde propitius gratiam tuam

meminit S. Bernardus initio sermonis *f.* de Purif. varique libri rituales apud Martenium.

(209) Miss. R. Exaudi, etc.

(210) leg. tuæ.

(211) leg. attactis.

bene + dictionis : ut eos et spiritu compunctio- A et concessa perpetua stabilitate manere intacta de-
pleas; et quæ juste postulaverint, efficaciter tribuas, cernas. Per (212).

BENEDICTIONES PALMARUM

† BENEDICTIO SUPER RAMOS PALMARUM.

(Ex antiquissimo Sacramentario Rhenaug.)

Bone Redemptor noster Domine, qui ad passionem redemptionis nostræ spontaneus adpropinquas, cum Tibi ramis arboreis certatim sternitur via, et triumphatricibus palmis cum voce laudis occurritur, quæsumus Majestatem tuam divinam, ut oris nostri confessionem atque corporis in jejunii humiliatione libens suscipias, et fructum nostræ viriditatis habere concedas, ut sicut illi in tui fuerunt obviam cum arboreis virgis egressi, ita nos te redeunte in secundo adventu cum palmis victoriæ mereamur occurrere læti. Per Deum.

BENEDICTIO DP. PALMÆ ET OLIVÆ

Omnipotens et misericors Deus, præstare nobis misericordiam tuam, ut quod sperantes ad te petimus, te donante consequi mereamur. Per.

Alia. Petimus te sancte Pater omnipotens æterne Deus, ut respicere digneris super hanc creaturam olivæ etc.

Alia. Omnipotens sempiternus Deus, qui dispersa congregas etc.

Alia. Deus, qui Filium tuum Jesum Christum Dominum nostrum pro salute nostra etc.

(*) Te inter cætera mirabilium tuorum præcepta laudare † et benedicere, qui Lamech semen justum

dedisti Noe; cui revelasti per Spiritum aquas diuvii, futura cognoscens; cujus arcam ad nostram salvationem testaretur mater Ecclesia, de qua emissa columba volans spiritualis (specialis) olivæ fructuosum surculum retulit, quam ad se revertentem Noe gaudens suscepit; quam ad se revertentem cum spiritali (speciali) fructu libenter suscepit, de cujus rami unctio Jacob electi titulum erexit Domino, votum vovit et oleum desuper fudit. Hæc est indictio rami illius manantis de cælis gratiæ seu et populi vasa replentis. Hæc est gratia, quæ et viduam benedixit in oleo; hæc est indictio rami illius plantati secus decursus aquarum, cujus folium non defluit, per quod quotidie per lavacrum baptismatis Ecclesia procreatur, et nostra delentur peccata. Hæc est tua Domine plantatio bona valde, et tu es vita et resurrectio mortuorum, qui quadriduanum Lazarum resuscitati a mortuis; propterea et turba cum ramis palmarum obvians tibi clamabat: Osanna benedictus qui venit in nomine Domini rex Israel; quapropter quæsumus Domine clementiam tuam, ut nos famulos tuos, qui hujus rei gratiam et fidem veritatis percepimus, eruas de ore inferni, et adjutorio gratiæ tuæ nobis tribuere digneris, ut juste et pie sancteque viventes, cum Electis et Sanctis tuis facias habere consortium. Per Chr.

(112) Unam hanc, quæ etiam in Missali Romano habetur in msc. Rhenaug. 600, circ. annorum reperi orationem pro benedictione cinerum, quam primum monachi ex disciplina pœnitentiæ hac die eum impositione cinerum æmulati videntur. Juvat hic ex ordine operis Dei msc. sæc. XIV, qui usque ad sæc. XVI in usu fuit in monasterio S. Blasii ritum singularem describere: Feria IV in capite jejunii legatur expositio de Evangelio. *Cum jejunatis*, non tamen a diacono pronuntietur. Ad omnes horas dicantur capitula de jejunio, et collecta pro peccatis. Ordo autem processionis ipso die ita agatur. Consuetudinali hora generali facta oratione canatur ant. *Exsurge Domine* cum *ÿ. Deus auribus*, ipso tamen die sine *Gloria*, duobus interim resonantibus signis. Post quem cap. *Domine non secundum, Kyrie eleison, Pater noster, Psal. Deus misereatur.* Cap. *Ne reminiscaris, Dominus vobiscum*, oratio *Exaudi*. Tunc sacerdos indutus stola super albam surgens veniat ante altare cum conversis, qui crucem cineresque teneant, et stet ipse medius, ita ut conversum, qui tenet crucem, habeat a sinistris, illum vero qui cineres tenet, a dextris. Aquam benedictam nullus tam ibi debet tenere in manibus. Tunc sacerdos stans nudis pedibus dicat cap. *Adjuva nos Deus salutaris*, quo dicto subjungat et hanc orationem. *Deus qui juste irasceris*, deinde benedictio super cineres incumbentibus orationi cæteris super formas. Nec dicatur ista oratio solemniter, sed plane, sicut et anteriores, *Omnipotens sempiternus Deus.*

Exin surgentibus simul omnibus imponatur a cantore ant. *Immutemur*, cum *ÿ. Deus misereatur*. Tunc quoque sine *Gloria* fiat repetitio antiphonæ, et cum timore et reverentia eant discalceati, cunctis interim cineres super capita sua tollentibus flectendo genua, priusquam eos sibi unusquisque suscipiat. Istos cineres debet secretarius mane ante tertiam exustos habere de olivis, quos seniores præterito anno in die Palmarum ad manus sacerdotis offerebant. Debet etiam eos bene purgatos habere per vas tale, per quod farina purgatur. Tunc demum exeuntibus qui sancta ferunt, de ecclesia, imprimis scilicet aqua benedicta, deinde cum cruce, postea sacerdos canat antiph. *Propitius, ÿ. Adjuva nos Deus*; item *juxta vestibulum*, sicque cum prædicta antiphona ingradientur capellam B. M. V. post autem dicit sacerdos cap. *Exaudi nos*; subjungat et hanc orationem *Dominus vobiscum* solemniter, oremus: *Concede nobis Domine præsidia militiæ christianæ*, deinde orationem de B. M. Virgine, qua finita prosternant se, et orent cum silentio: inde facto signo surgentes signent se, faciantque ante et retro, et incipiant litanias, cum quibus revertentes ad matrem ecclesiam pergant, ut moris est, per ambitum. In capite quoque jejunii cantor pronuntiabit ad capitulum mandatum quotidianum in charta, quod fieri debet pauperibus, et die incipiatur secundum quod ordinatum (intimatum) est, et ordinarius docet. Eadem die fiat processio, et hoc idem observetur omni feria quarta et sexta usque ad Pascha.